

Powšitkowne WOZJEWJENJA

njedźelu, 15. meje 2022

Wusyłanje Božeje mše

Serbskorěčnu Božu mšu móža wěriwi tutu njedźelu, 15. meje, w 9 hodź. z Chróscic jako live-stream sćěhować. Link na nju je w interneće pod www.posol.de a na wosadnej stronje podaty.

Rozmołwa z biskopom

Biskop Heinrich Timmerevers přepraša wosady Serbskeho pastoralneho ruma k refleksiji dopóznanskeho procesa. Zarjadowanje wotměje so srjedu, 18. meje, w Njebjelčanskej „Bjesadze“. Wšitcy zastupjerjo wosadnych gremijow kaž tež na procesu zajimowani su wutrobnje přeprašeni. Započatk je we 18.30 hodź.

Nalětni koncert na klóšterskej zahrodze

Wšitkich zajimcow zbliska a zдалoka přeprašuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedźelu, 22. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo z chórom Šule Čišinskeho z Pančic-Kukowa. Wot 15 hodź. poskića tam kofej a tykanc.

Putniska jězba do Kölna a wokoliny

Na serbsku busowu jězbu z duchownym přewodom wot njedźele do štwórtka, 9. do 13. oktobra, přeprašuje Radworske Šmitec busowe wozydłownistwo. Z Königswintera wuchadžejo wopytaja Köln, Bonn, klóšter Steinfeld a dadža so wot Eifelskeje krajiny nad Rynom zakuzlać. Přizjewjenja přijimuje Šmitec wozydłownistwo, telefonowe čisło (03 59 35) 28 60. *farar Gerat Wornar*

Modlenje w Róžeńće

Na modlersku hodžinu před wustajenym Najswjećišim su wěriwi sobotu, 21. meje, we 18.00 hodź. do Róžeńčanskeje hnadowneje cyrkwy přeprašeni. Pačerje spěwać budu so serbsce a němsce.

Wosadny swjedzeń w Radworju

Štóž čuje so z Radworskej wosadu na někajkežkuli wašnje zwjazany abo přichileny, je wot pjatka do njedźele, 20. meje do 22. meje, na wosadny swjedzeń přeprašeny, z kotrymž spomina wona na 125. róčnicu poswjećjenja farskeje cyrkwy. Hižo pjatk po wječornej Božej mši je přednošk k stawiznam a zajimawym podawkam cyrkwy a wosadneho žiwjenja. Mjeztym zo je sobotu popołdnu swjedzeń předewšěm za swójby z džěćimi planowany, su wječor wot 19.30 hodź. wšitcy młodostni a dorosćeni na reje ze serbskeje skupinu Holaski přeprašeni. Njedźelu dapołdnu w 9.30 hodź. budže dwurěčna swjedženska Boža mša. Přizamknje so wobjed na farskej zahrodze. K tomu zahudža Wulkodubrawscy dujerjo. W 14 hodź. zahaji so zabawny program w swjedženskim stanje, po kotrymž budže swačina. Wosadny swjedzeń zakonči so w 17 hodź. z nyšporom w farskej cyrkwi.

Filmowy wječork

Na filmowy wječork pónđzelu, 16. meje, w 19.00 hodž. su zajimcy do Budyskeho ekumeniskeho tachantskeho wobchoda přeprošeni. Na nim pokazaja film „Bis zum Horizont, dann links“. Zastup je darmotny.

Zhromadne popołdno w dnjowej hladarni

Dnjowa hladarnja „Při Krabatowym puću“ we Worklecach přeprošuje wšitkich hladanja potřebnych a tych, kotřiž so doma wo nich staraja, na zhromadne popołdno do Worklec. Wone wotměje so wutoru, 24. meje, wot 14.30 do 16.30 hodž. Přizjewjenja su trěbne a přijimaja so pod telefonowym čisłom (03 57 96) 94 24 70 hač do pjatka, 20. meje.

Łužica pomha Ukrainje

Towarstwo Cyrila a Metoda z.t. (TCM) hromadži ze swojej akciju „Łužica pomha“ dale pjenježne dary za ukrajskich čekancow w Pólskej, kotrež dóstanje Caritas w Ełku. Jeje direktor a dołholětny partner TCM, prelat dr. Dariusz Kruczyński, je zwuraznił, zo pomhaja jim najbóle pjenježne dary. Trěbne twory za čekancow tam kupja. Wot měrca je TCM Caricie w Ełku 37.000 eurow přepokazało. Štóž chcył domapytanu ludnosć podpěrać, njech přepokaza pjenjezy na konto: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóž sej darowansku kwitowanku přeje, měł swoju adresu podać. Za dotalne dary wustaja so kwitowanki hač do kónca meje.

Putnikowanje z impulsami

Na putnikowanje z bibliskimi a duchownymi impulsami přeprošuje Smochčanske kulanišćo swjateho Bena wšitkich zajimcow wot pjatka do njedzele, 20. do 22. meje. Kurs zwjazuje čelne pohibowanje kaž tež duchowne a bibliske impulsy. Nawjedować budže dny referent Ansgar Hoffmann, kotryž podawa tež nadrobniše informacije, docpějomny pod telefonowym čisłom (03 59 35) 2 23 17 abo pod mailowej adresu na ansgar.hoffmann@bg-schmochtitz.de abo. Zdobom je pod www.posol.de link k dalšim informacijam podaty.